

Broj:02-33-4229/23  
Sarajevo, 20.07.2023.godine

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Sekretar

PARLAMENTA FEDERACIJE BIH  
DOM NARODA  
Grupa delegata i delegatkinja

VLADA FEDERACIJE BIH  
n/p Sekretara

BOSNA I HERCEGOVINA  
FEDERACIJA BOSNE I HERCEGOVINE  
URED PREMIJERA

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno:		28-07-2023	
Org. jed.	Broj	Priloga	Vrijednost
02	-02-	1860	/23

05/2

**PREDMET:** Obavijest o poduzetim aktivnostima vezano za Inicijativu koja se odnosi na trajno, efikasno i sistemsko rješenje pitanja zdravstvenog osiguranja i korištenja zdravstvenih usluga djece i mladih bez roditeljskog staranja smještenih u rezidencijalne ustanove i druge oblike alternativne brige u Federaciji Bosne i Hercegovine a čiji su smještaji izvan kantona/županije registrovanog prebivališta, a koju je podnijela Grupa delegata i delegatkinja u Domu naroda Parlamenta Federacije Bosne i Hercegovine

Veza akt Doma Naroda FBiH broj: 05/2-02-1860/23 od 3.07.2023. godine;

Veza akt Vlade Federacije BiH broj: 03-04-791-13/2023 od 12.07.2023. godine;

Veza akt Ureda Premijera FBiH broj: 01-02-373/23 od 17.07.2023. godine

Poštovani,

Federalno ministarstvo zdravstva je zaprimilo inicijativu koja se odnosi na trajno, efikasno i sistemsko rješenje pitanja zdravstvenog osiguranja i korištenja zdravstvenih usluga djece i mladih bez roditeljskog staranja smještenih u rezidencijalne ustanove i druge oblike alternativne brige u Federaciji Bosne i Hercegovine a čiji su smještaji izvan kantona/županije registrovanog prebivališta, podnesenu od strane Grupe delegata i delegatkinja u Domu naroda Parlamenta Federacije Bosne i Hercegovine.

S tim u vezi, obavještavamo Vas kako slijedi:

Federalno ministarstvo zdravstva, u okviru svojih nadležnosti, podržava pomenutu inicijativu.

Naime, stava smo da se rješenje predmetne inicijative može postići kroz modalitet



izmjene i dopune člana 2. Sporazuma o načinu i postupku korištenja zdravstvene zaštite van područja kantonalnog zavoda zdravstvenog osiguranja kome osiguranik pripada ("Službene novine Federacije BiH", br. 41/01, 7/02, 88/18 i 27/22).

Član 2. Sporazuma glasi: "Učesnici Sporazuma obavezuju se da će poduzeti mjere da se, na način i po postupku koji se primjenjuju za osigurana lica –kantonalnog zavoda zdravstvenog osiguranja na čijem području se nalazi zdravstvena ustanova, odnosno njen dio osigura korištenje zdravstvene zaštite: osiguranim licima ostalih kantonalnih zavoda zdravstvenog osiguranja sa teritorije Federacije Bosne i Hercegovine koja imaju prebivalište na području kantona na kome koriste zdravstvenu zaštitu, ako zakonom nije drukčije određeno, osiguranim licima koje privremeno borave na području kantonalnog zavoda zdravstvenog osiguranja na kome koriste zdravstvenu zaštitu radi školovanja, studiranja i stručnog usavršavanja, osiguranim licima kojima treba pružiti hitnu medicinsku pomoć, kao i osiguranim licima koja su u skladu sa opštim aktom kantonalnog zavoda zdravstvenog osiguranja čiji su članovi, upućene radi korištenja zdravstvene zaštite.

Odredbe iz stava 1. ovog člana primjenjuju se i na vojna lica u skladu sa pozitivnim zakonima i propisima koji uređuju ovu oblast.

U vezi pomenute inicijative, Federalno ministarstvo zdravstva predlaže da se u Sporazumu o načinu i postupku korištenja zdravstvene zaštite van područja kantonalnog zavoda zdravstvenog osiguranja kome osiguranik pripada, dopuni član 2., na način da se i djeca i mladi bez roditeljskog staranja smješteni u rezidencijalne ustanove i druge oblike alternativne brige u Federaciji Bosne i Hercegovine a čiji su smještaji izvan kantona registrovanog prebivališta, uključe u ovaj član kao osigurana lica koja privremeno borave na području kantonalnog zavoda zdravstvenog osiguranja na kome koriste zdravstvenu zaštitu.

U skladu sa članom 9. Sporazumu o načinu i postupku korištenja zdravstvene zaštite van područja kantonalnog zavoda zdravstvenog osiguranja kome osiguranik pripada, Upravni odbor Zavoda zdravstvenog osiguranja i reosiguranja Federacije BiH utvrdio je Komisiju koja usaglašava akcije za provođenje Sporazuma, te razmatra zahtjeve za izmjene i dopune Sporazuma.

Na osnovu navedenog, Federalno ministarstvo zdravstva će inicijativu koja se odnosi na trajno, efikasno i sistemsko rješenje pitanja zdravstvenog osiguranja i korištenja zdravstvenih usluga u djece i mladih bez roditeljskog staranja smještenih u rezidencijalne ustanove i druge oblike alternativne brige u Federaciji Bosne i Hercegovine a čiji su smještaji izvan kantona/županije registrovanog prebivališta, proslijediti na nadležno postupanje Zavodu zdravstvenog osiguranja i reosiguranja Federacije BiH, sa predloženim načinom rješavanja odnosno dopune Sporazuma.

U skladu sa članom 11. pomenutog Sporazuma, Inicijativa se dostavlja svim učesnicima odnosno svim kantonalnim zavodima zdravstvenog osiguranja na očitovanje, gdje je potrebna saglasnost dvije trećine učesnika za usvajanje izmjena.